

古今說部叢書

第八集

三

竹垞小志卷一

學使者阮元手訂

嘉興楊蟠編錄

竹垞朱先生錫鬯別業也。先生性好竹。徙宅十餘次。必擇有竹之地以居。康熙己酉。歸自山左。買宅於鄰。宅西有竹。因以竹垞自號。宛平孫侍郎退谷題扁。海陵曹次岳作圖。其楹帖云。會須上番看成竹。何處老翁來賦詩。先生集句。汪檢討舟次書。垞約五畝。有南北兩垞。周圍壘石爲牆。編枳爲籬。饒有幽趣。康熙丙子夏。結暴書亭於南垞。垞之中有鳥有魚。有羅浮之蝶。岸有槐柳。水有芙蓉。藝蘭於砌。種芋於陂。奇花異石。靡所不有。先生暇日。恒與朋舊觴詠於此。其諸景次第補綴。間有更易。今就先生初定十二景列爲一卷。並分附南北兩垞詩。俾後之游者有所攷焉。

竹垞

在梅里南荷花池之上。望之竹樹交蔭。蔚然深秀。

先生題竹垞壁詩。買斷竹垞將四載。園林新筍未經嘗。今來散帙時初夏。忽見抽梢喜欲狂。背市有人沽濁酒。南鄰許我借匡牀。江村穩臥真堪樂。愁說

燕雲射獵場。

又送鄭培南還詩。長安似爾客最久。自別舊鄉今八年。五里亭邊傾薊酒。一帆風末挂吳船。承顏正好趨庭日。生計須謀負郭田。莫以故人歸未遂。卜居不與竹垞連。

又潞河遙送湯駟南還詩。竹垞三徑也蕭然。歸夢天涯又隔年。倘肯結鄰長水市。開門同對小池蓮。又送家司理昇之官義帽詩。新分明府綬。舊詠法曹詩。異地難爲別。頻年最見思。賢聲花縣起。歸計竹垞遲。縱使音書隔。山川夢見之。

又爲程可則題畫詩。年來新卜竹垞居。對此雲峯愧不如。忽憶君家珠海曲。木棉花下滿牀書。

又題張上舍劭竹林獨坐圖詩。十年不對鄉閭竹。垞北垞南思殺人。輸與君家行看子。一叢占斷小園春。

徐永宣秋日訪朱錫鬯先生詩。沈尤村僻絕塵寰。千个簷簷水一灣。學道

著書無個事。滿庭黃葉對秋山。

李良年懷錫鬯詩。結廬共有溪南約。羨爾閒窗對白雲。今日池邊看青竹。竹垞雖好不逢君。

李符竹垞對雨詩。西鄰煙舍晝開扉。不惜衝泥日再經。總是好春何厭雨。但逢雅集便宜亭。溪魚撥刺投竿得。山鳥緜蠻倚樹聽。載酒花時尋勝地。無如南踏兩峯青。

譚吉璫和鴛鴦湖櫂歌。竹垞聽說梅溪上。邊屋修篁萬个餘。何日結鄰棲傍舍。然糠同照夜深書。

沈季友題小長蘆圖詩。拋他杜曲韋曲。還我雲村水村。畫裏兩垞不遠。蘆中直到柴門。

郭徵竹垞詩。垞西南北竹縱橫。露卻東偏放月生。就裏樊籬分雅俗。半霄淨綠拓詩城。

先生歲除。同兒子對雪懷鄉里作。調寄鞦韆毬詞。寒雀飲脣檐。正萬里同雲。

催暮。去年曾記梅花溪上。童孫喧笑。紛紛團就玉獅鹽虎。回首亂山如許。對孤燭。異鄉同住。遙憐千里老妻無恙。竹垞門掩。多應壓徧小園高樹。又戲題竹垞壁。調寄風中柳詞。有竹千竿。寧使食時無肉。也不須更移珍木。北垞也竹。南垞也竹。護吾廬。幾叢寒玉。晚來月上。對影描他橫幅。賦新詞。竹山竹屋。邨筒一束。筍鞋三伏。竹夫人醉鄉同宿。自注竹山蔣捷詞名竹屋高觀詞名也

又索次岳畫竹垞圖。調寄百字令。詞詳第四卷。

先生看竹圖記。寧都魏叔子與予定交江都時。歲在辛亥。明年。予將返秀水。錢唐戴蒼爲畫煙雨歸耕圖。叔子適至。題其卷。於是叔子亦返金精之山。蒼爲傳寫作看竹圖。俾予作記。予性癖好竹。甲申後。避兵田舍。凡十餘徙。必擇有竹之地以居。其後客遊大同。邊障苦寒。乃藝葦以代竹。旣而畱山東。見冶源修竹數百萬。狂喜不忍去。歸買宅長水上。曰竹垞。叔子過。予言金精之峯十有二。其一曰翠微。易堂在其上。梧桐桃李皆植。獨竹不生。種之自叔子始。

近乃連岡下上。無非竹者。蓋予兩人嗜好適同也。珍木之產。由兩葉至尋尺。歲久而林始成。又或萎於霜。或厄於閏。若夫竹苟護其本。則末乃直上。匪特有君子之守而已。其勃然興起。突怒無畏。類夫豪傑之士。拔泥塗而立。加萬夫之上。叔子居易堂讀書。且二十年。天下無知叔子者。一旦乘扁舟下吳越。海內論文者。交推其能。若竹之解於籜。而驟于夫煙霄也。文章之爲道。亦猶種竹然。務去其陳根。疏而壅之。其生也。柯葉必異。然則叔子母徒恃其已學者而已。

北垞 荷花池之北。藕舫之西。皆北垞也。

先生題畫竹詩。疎筠个个倚風輕。忽憶鄉園宿雨晴。三畝宅西桐樹北。此時新筍又應生。

又題王叔楚墨竹。爲家上舍載震賦詩。畫家畫竹專用墨。李波文同已難得。後來能事吳仲圭。橫斜曲直無端倪。誰爲此圖王叔楚。意匠豈必全師古。竹之大者一尺強。其餘瑣細抽風篁。山泉泠泠走石罅。可惜無人坐銷夏。潛江

主人購得之。索我點筆題新詩。吾家長水一茅屋。北垞南垞都是竹。每憶園林燒筍時。不戀樹雞及榆肉。海陵曹岳爲我畫作圖。藥爐茗碗書籤厨。年來松菊成榛蕪。對此臨風一惆悵。歸與歸與范蠡湖。

朱琪壽芋陂六十詩。垞北藏書屋。騷人初度逢。客來皆舊雨。門對獨長松。野岸春容近。糟牀臘酒濃。采衣看盡好。萬里憶頭龍。自注長君自天時

客嶺表

朱稻孫送楚光表叔入都詩。把酒忽言別。空歌起北垞。客行千里月。春盡一園花。芳草王孫路。平臺帝子家。舊游能記憶。賦雪久爭誇。

南垞 荷花池之南。有暴書亭。青桂巖。茭池。芋陂。桐階。同心。蘭砌。菊塍。諸景。

先生春日南垞雜詩。入春風雨太連綿。著屐扶筇越陌阡。鄉里兒童莫嘲笑。

已過七十杖朝年。自注七十杖於朝本祭義睡起三商未覺遲。春衣典

盡漫嗟咨。諸公滾滾黃河岸。正值桃花水上時。

十年手種池南樹。今歲纔分花白紅。尚有舊游三叟在。不知更醉幾春風。自

注謂繆泳鄭明鏡枋

舍外青鳩解喚晴。籬根玉版漸抽萌。無兒可遣修雞柵。客至生憎臘膊鳴。
社公小雨不粘沙。瞥見迎風燕子斜。料是東家巢已定。但來花底啄芹芽。
移種盆松六尺強。欲當車蓋蔽斜陽。不知黛色成陰日。此地何人結草堂。

按竹垞向唯醞舫西偏一帶有竹。已而拓地於池南。亦移竹種之。所云
垞南宜得翠筠看。上番移來近百竿也。最後築暴書亭其中。而南垞始
擅其勝。池上編籬詩云。試添隔岸香茅屋。眼見南垞勝北垞。是也。今則
北垞僅存老竹數竿。南垞則惟菱池一勺。枯柳數株而已。

又暴書亭偶然作。垞南宜得翠筠看。上番移來近百竿。昨夜疾風吹拔木。老
夫差喜竹平安。

又高斯億爲予畫竹。以三絕句報之。錄一首。舊種南垞竹。圖中勝百分。歸裝
無長物。得此卽封君。

又南垞晚步詩。荷風剛罷浴。蘭畹已新涼。高樹下歸鳥。小窗明夕陽。蛇牀秋

草徧魚尾暮霞長。老圃論生計。纔收一稜薑。

又舍南池上從秋錦十九兄乞垂柳栽詩。開門南垞南。茭池平且廣。爲乞垂柳栽。春風步池上。十畝桑者側。五株桃樹前。他時君過我。五月坐聞蟬。龔翔麟過朱檢討竹垞話舊詩。小長蘆釣師。平生所皈依。結契四十年。久要非比鄰。每欲從之遊。讀書證疑罔。舟颿不易戒。有約屢成謊。今日願始諧。出門庶不枉。步屣入南垞。竹梧欣舊賞。一笑攬襟袪。連宵話疇曩。可恨榜人催。於心終怏怏。

沈岸登題小長蘆圖詩。新蓋暴書亭子。垞南正有閒田。我意別裁東絹。戲拖墨竹便娟。

李長年題瀾橋詩思圖小照。爲竹垞賦。曾向東華聽曉雞。幾回懊惱雪成泥。還山卻愛連山白。夢得垞南萬竹低。

朱昆田小園散步詩。閒拖竹杖到南垞。雨後新涼透薄紗。莫怪小園秋太澹。牽牛新引一籬花。

吳銘道沈寅中箋竹垞先生詩集成詩。隔浦南垞望北垞。網羅遺墨待侯芭。書成亟欲煩青竹。博物全勝三十車。

醺舫 舫三楹。在潛采堂之西南隅。金陵鄭谷口。簾書額。梧竹環之。庭陰空翠。與插架丹黃相映。先生晚年。招弟子王布衣。沈秀才翼。朱上舍琪。同次孫稻孫讀書其中。

先生懷鄉口號詩。醺舫西偏盡竹梧。紫微山石儘教鋪。兒童鄉里堪娛日。不用千金買佛奴。目注醺舫
余齋名

又醺舫卽事詩。破窗風雨濕書籤。睡起明星忽在簷。最喜蛛絲梢竹尾。牽牛花翠曉來添。

查慎行醺舫銷夏分賦涼篷聯句詩。平鋪一面席。高出四邊牆。行雨似撐
船聽風疑露頂涼。魏坤片陰停卓午。仄景入斜陽。朱彝尊忽憶臨溪宅。松毛透

屋香。懷行

郭徵題醺舫詩。醺舫窗篷覆竹梧。八分鄭畫老來麗。沾唇我鮮三升量。也

挈吟瓢混酒徒。

朱琪醺舫看竹詩。垞北垞南竹滿林。短牆繞屋見清陰。昔年夏日消閒地。猶記親書醺舫箴。

自注先生書手書醺舫箴以贈齋名舊日曾題句

梧竹西偏人共知

今歲上番看漸少。秋風應種小春時。

又重集醺舫看桂詩。舊日藏書屋。花開拓八牕。主人留客坐。夜夜倒秋缸。香滿交枝樹。思橫萬頃江。頻過知不厭。詎忍滯歸艤。

又九日同元仲過醺舫詩。寥落重陽日。相逢且笑歌。縱虛籬下酌。仍許草堂過。逸興朋遊少。閒愁節物多。東溪還往約。歲月恐蹉跎。

又讀暴書亭集感懷詩。醺舫桐陰依舊清。年時載酒幾門生。秋風忽憶池南路。忍說羊曇醉後情。

王滋九日集醺舫桂樹下。分賦得緩字詩。九日思尋山。花下得所歎。素心既已偕。旨酒穀辭滿。不聞街鼓催。欲行且復緩。

朱稻孫醺舫納涼詩。斜日穿修竹。疎桐覆短牆。涼風三面至。一枕黑甜鄉。

又醺舫卽事詩。節未逢寒食。傷心已禁煙。欲臨求米帖。久讀絕交篇。樹有新禽集。牀無故客眠。淒涼桐竹下。卽景淚潸然。

楊爲裘和王上陶。浹夏日同諸子集醺舫。分賦得此字詩。醺舫近北垞。吾黨昔所企。茲焉復經過。開徑桐陰裏。此地洵足娛。卽事亦可喜。酒闌暑亦忘。吟成興未已。晚色淨陂塘。涼風過沙沚。竹翁已千秋。題襟疇續此。朱翰宣醺舫桐花詩。爲愛茲花特地來。樹頭風急雨頻催。明朝再過池南路。只恐殘香掩碧苔。

先生構李詩繫序。比來索居長水。編輯有明一代詩。陸子聚繯過醺舫。貽示南疑沈君構李詩繫。其於逸民寓公方外閨秀。蒐羅甚備。余頗得什一之助。鄭元慶石柱記箋釋自序。頃借書醺舫。得宋槧石柱記載山川陵墓。匹者三之一。其存而不可信者亦三之一。吾湖浙西佳郡。何不幸而使數百年文獻無徵。至於此極耶。竹垞先生。惜其殘闕。爲補記二縣。余乃一牋釋。甫脫橐。先生見之賞擊。命鈔副本藏暴書亭。

張大受六峯閣詩藁序。稼翁少孤。日侍先生於醺舫。聽說經史。出入必負杖從。得秘本。必令稼翁校勘繕錄。耳目濡染甚深。

先生醺舫箴。吾齋之中。有客萃止。能飲飲之。不能者已。奕屏楸坪。博捐盧雉。豈無樂方。令以經史。賓有端言。主無苛禮。罔稱人惡。罔諛人善。第話桑麻。勿論朝市。勿涵勿沈。勗哉君子。

桐階 在南垞暴書亭之前。與蘭砌相並。桐只兩株。先生題侯開國鳳阿山房圖詩云。吾家亦有三畝宅。千个篔簹兩樹桐。是也。

先生夏日雜興詩。桐陰細細白花攢。吾愛吾廬暑亦寒。縱少圍碁消永日。也應騎馬勝麗官。

郭徵桐階詩。百尺琅枝架屋陰。放懷歸作舊巢吟。桐花小鳳調紅嘴。啄遍香苞撲滿襟。

朱稻孫徐懷仁桐化聯句詩。庭中孤生桐。稻孫朱夏華始吐。午風發細香。懷徐仁拓。檐瓦逗輕雨。壺蠶猶徘徊。稻孫斯螽剛動股。參差墮游絲。懷仁翩翻來翠

羽鬱鬱柯相交。

孫稻

離離實待數。向榮勝高岡。

仁懷

接葉冒下土。愛茲明月皎。

孫稻重以零露漙。攢攢試雞心。

仁懷

瑣瑣垂馬乳。又卒罷采采。

孫稻

狼籍誰拾取。

大火俄西流。

仁懷

秋聲破炎暑。

孫稻

同心蘭砌。

在南垞暴書亭之前。先是盆中蕙草作同心花。先生愛之。乃移種

於砌下。歲丁丑。又開並蒂。戊寅六月。又開同心並蒂。二花清芬馥郁。逾於

九畹。以先生父子著書其間。宜瑞應之。疊見也。

郭徵同心蘭砌詩。駢枝合朵錦心并。萬萬蘭中見此莖。這是仙苗無覓處。

謝家庭砌偶然生。

朱昆田戊寅六月。盆蘭忽放同心並蒂二花。各賦一律。索同人和詩。一雙

玉女鬪嬋娟。素質亭亭看比肩。蝴蝶作團停葉底。蜻蜓相戴立風前。宵幃

共結鴛鴦帶。曉鏡齊拈翡翠鈿。好與吳娘新鬢樣。不須依舊學秋蟬。

右同心

弱翰同心已足誇。又看並蒂發瓊葩。水妃共踏承雲屐。宮女爭勻襯臉

霞。丹竈紅休憐一線。珠江碧漫詫雙丫。

自注閩之竈山產一線紅有花對節尊之丫蘭一莖上兩

花皆貴。惟應插上麻姑髻。絕勝仙家綠玉花。右並蒂

又余咏蘭二律。同人和者甚衆。聚緝謂與奇花寫照。以不用仙姝美女草木禽獸蟲豸相比者爲高。因再各賦一律詩。蘭譜曾誇大小張。分來好種自金漳。八花尾簇玲瓏玉。雙素英飛菡萏香。曉露引風珠並綴。午風送蝶夢俱長。狂思折贈傾城客。挂在珊瑚却月梁。右同笑他花史說吳潘。似比駢頭畫亦難。雨後並開香細細。月中同立影珊珊。爲雲只恐雙飛去。倚柱還容盡日看。若使一年抽一箭。也應喚作我家蘭。自注朱僉判家所種閩人至今呼爲

朱蘭右並蒂

又三咏同心蘭詩。莫是蘭芝與蕙芳。羨他交頸學鴛鴦。黃輕似翦同功繭。紫淺疑熏百結香。吟處傷心追楚客。分來纖手想閩娘。神光離合魂俱斷。玉體橫陳夜未央。並蒂蘭詩。國香兩兩試精神。似欲雙棲共一身。互借好丰姿綽約。交憐眞骨象停勻。凌風冉冉扶紅索。按舞翩翩踏翠茵。待覓畫師來寫照。障中長作比肩人。

陸奎勳和。潘紫施黃態未殊。漳蘭新樣茁紗縠。縷成八瓣花明玉。吸上雙
心露。迸珠添種留夷情便減。微吟梔子韻還輸。膽瓶折供清無匹。只放滕
王蛺蝶俱。右同雙頭菡萏乍填詞。並蒂蘭抽又索詩。露滴小毫添畫譜。
根移纖手勝花師。魂消別浦迴眸處。夢破寒衾擁背時。趁取蠶缸開未足。
好分一箭寄相思。右並蒂

戴公瑚和。梔子誰誇花入出。同心似爾我關情。只言澤畔孤根託。卻訝枝
頭嫩蕊并。看去芳顏如碧玉。猜來小字是雙成。品題別作幽蘭曲。譜入相
思弦裏聲。右同心素葩開處不尋常。一對偏宜喚女郎。梳得雙丫雲作髻。

勝他六幅錦爲裳。吳山未羨岐牛好。丹竈須憐並蒂芳。花譜寒梅秋菊外。
應添香草亦鴛鴦。右並蒂

戴鏌和。傳來好種自潘家。葉底翻新發異葩。露滴雙心香暗結。雲裁一朵
碧交加。合歡扇掩魂應斷。同夢人憐夜正賒。不羨唐昌觀中樹。簾前真見
八仙花。自注玉蕊一名八仙花右同心

珍重芳蘭翠幙遮。枝頭綴處總堪誇。憐吾已比孤生樹。到眼偏愁並蒂花。
深院對擎銀鑿落。曉窗初試玉丫叉。漫言百葉雙桃好。未許紅雲鬪碧霞。
右並蒂

張費源和。誰從空谷賞幽姿。一點芳心恰並持。月滿枝頭同入夢。風翻葉
底不分離。醺醺繡簇輸他好。豆蔻香含遜此奇。試與秋娘初作佩。畫樓鎮
日費相思。右同心 湘沅移根覆赤沙。駢頭異種數誰家。開來宜傍鴛鴦水。
看去疑呼姊妹花。顧影互憐雲一碧。合歡何待月初斜。人間若解幽蘭意。
不遣蘂蕪暗自嗟。右並蒂

青桂巖 在南崙暴書亭之前。

先生暴書亭偶然作。蜻蜓翅。丹。蝴蝶黃。白露滿園秋草長。靜聽桑斧斫叢棘。
忽露一株巖桂香。

郭徵青桂巖詩。小山秋發桂枝叢。露冷花清月半空。一似林風忒峭厲。吹
香故故著詩翁。